

Capsicum

Sik leh sa :

- Khawlum lutuk, vawt lutuk leh dai tla avangin a chhiat phah thei
- Khawlum lam 21^oC - 22^oC a mamawh a.
- Khawlum lutuk leh vawt lutukah chuan a tiak tha theilo a, a thang thalo a, a par leh a rah a til duh a, a rah a thawp duh bawk. Khawlum lam 35^oC chung lamah chuan natna a kai hma avangin enkawl a harsa.

A china lei:

- Leithurah a tha thei lo, pH 6.0-7.0. ah a tha ber
- Tuitlin theihnaah chin loh tur.
- Lei a thur a nih chua chinai/vut hmangin tih al that tur.
- Tlaklei khal aain balu lei thawl lam pangah a chin hlawhtlin a awl zawk.
- Capsicum chin nawn leh dawnah lei tha taka leh phut hnuah formalin hmangin lei tihthianglim leh phawt tur a ni. Formalin 100ml, tui litre 16-ah pawlhin Sprayer-a kah a tha, kah zawh veleh sarangin lei chu ni 6 chung khuh phui tlat tur a ni.

A chin hun: Green house chhungah chuan kum tluanin a chin theih

A chi ngai zat : A chi 5gms ah hian a mu 1500-2000 vel a awm a, 500 sqm greenhouse atan a tawk.

A kui dan : A theih chuan plastic tray hmanga kui a tha ber. Plastic tray a awm lo a nih pawlhin Polythene bag te tak te (Kuhva pack-na) tiat vel a hman theih. Tray chu cocopeat, Vermicular leh Parlite (3:1:1 ratio) chawhpawlhin tihkhah tur a ni a. chumi hnuah a chi pakhat kha kaw khat zelah dah tur a ni. 20^oC velah a tiak tha duh a, tin, N:P:K (1:1:1) tuiah dal taka pawlhin kar khatah vawikhat sprinkler emaw watering can hmangin emaw pek tur a ni. A chi kui atanga ni 30-35 ah phunsawn tur a ni.

A phunsawn : Capsicum tiak chu 1-2inch a thukin feet khat leh a chanve danah phunsawn tur a ni a, phunsawn lai hian Bio-fertilizer hman a tha hle.

Tui leh leitha pek : Capsicum phun hlimte chu zing tin tuipek a tawk a, a kung len deuh hnuah chuan nitin vawi 2 vawi 3 pek thin tur a ni. a theih chuna tui pH hi 6.5-7.0 ni thei se a tha ber.

Leitha hi Capsicum phun atanga ni 15-na atangin a kung len hma chuan nitin tui pek ruala pek tur a ni

Leitha (fertilizer) mamawh zat : Leitha mamawh zat hi lei that leh that loh dan a zirin a danglam hret thei a, chumi mil chuan her rem tur a ni.

N : P : K : : 19 : 19 : 19, tui litre 1000-ah 1kg emaw (NPK) 13:13;13 tui litre 1000-ah 1 Kg leh 200gm a tui pekah pawlh tur.

Pruning : A peng chawr reng reng sih chhum zel a, a peng pahnih zuah a, a peng dang zawng chu paih(cut) tur a ni.